

本國學基
叢書 漢書補注 二

11.344/5

469460

本國

叢學

書基

漢

書

補

注

(二)

王先謙補注

商務印書館



11.344/5

469466

王先謙補注

本國
叢學
書基

漢
書
補
注
(三)

商務印書館



11.344/5

469470

王先謙補注

本國
叢學
書基


漢

書

補
注

(四)

商務印書館



11.344/5

469.52

本國
叢學
書基

王先謙補注

漢


書

補

注

(五)

商務印書館




11.344/5
469.80

王先謙補注

本國
叢學
書基

漢書補注
(六)

商務印書館



11.344/5

469.68

王先謙補注

本國
叢學
書基

漢


書

補

注

(七)

商務印書館



H.344/5

469.5



王先謙補注

本國
叢學
書基

漢
書
補
注
(八)

商務印書館



前漢補注序例

賜進士出身翰林院編修國子監祭酒加五級王先謙撰

自顏監注行而班書義顯卓然號爲功臣然未發明者固多而句讀譌誤解釋踳駁之處亦迭見焉良由是書義蘊宏深通貫匪易昔在東漢之世朝廷求爲其學者以馬季長一代大儒尙命伏閣下從孟堅女弟曹大家受讀卽其難可知矣宋明以來校正板本之功爲多國朝右文興學精采諸史海內耆古之士承流嚮風研窮班義考正注文著述美富曠隆往代但以散見諸書學者罕能通習先謙自通籍以來卽究心班書博求其義薈最編摩積有年歲都爲一集命曰漢書補注臧之篋笥時有改訂忽忽六旬炳燭餘明恐不能更有精進忘其固陋舉付梓人自顧材識驚下無以踰越古賢區區寸心頗謂盡力疏譌之咎仍懼未免匡我不逮敬俟君子

據敍例顏監以前注本五種服虔應劭晉灼臣瓚蔡謨也大氏晉灼於服應外增伏儼劉德鄭氏李斐李奇鄧展文穎張揖蘇林張晏如淳孟康項昭韋昭十四家臣瓚於晉所采外增劉寶一家顏監於五種注本外增荀悅漢紀崔浩漢紀音義郭璞注司馬相如傳三家

說本王
鳴盛

顏注發明駁正度越曩哲非

印人鼻息者也。其中或引舊文，據爲己說，以史記索隱證之。張蒼傳柱下方書注，乃姚察說。淮南王安傳，會有詔，卽訊太子注，乃樂產說。郊祀志周始與秦國合而別，別五百載當復合注，乃顏游秦說。本洪

以文選李善注證之。枚乘傳注，隱匿謂僻處於東南也，乃韋昭說。梁下屯兵方十里，乃張晏說。本朱以詩王風譜疏證之。地理志內雒邑，與宗周通封畿注，乃臣瓚說。舊唐書顏籀傳，叔父游秦，撰漢書決疑

十二卷，爲學者所稱。師古注漢書，多取其義。今書中未見。本玉此外注文，閒用舊說，皆爲證明，以資識

別。原其本意，非必掩襲前賢，或因己說冥符，不復割捨，尙非巨累。至游秦行輩文學，譌然在前，盜實遺

名，有慙德矣。今補注所采，悉出其人。家世儒素，昆弟相師，先後三人，慘歸黃土，奪令原隰，垂老增唏，片

羽可珍，敢忘護惜。宗族講肄，朋好往還，賞析所存，皆登斯輯，亦公善之義也。

顏注漢書，至宋仁宗景祐二年，韶州余靖。宋史本傳，字安道，曲江人。爲祕書丞，奏言文字舛譌，命與王洙同校。靖撰刊

誤一書，增入江南張佖校說六條。宋祁云：漢書中有臣佖者，乃張佖，江南人，歸本朝。太祖收諸儒國圖籍實館閣，或召京朝官校對，皆題名卷末。所謂景祐刊誤本也。嗣

又有宋景文公祁，合十六家校本，至寧宗慶元中，建安劉之問，又取宋校本，更別用十四家本參校，又

采入蕭該音義。司馬貞索隱。孫巨源經綸集學官考異。章衡編年通載。楊侃兩漢博文。漢書刊誤。楚漢春秋。史義宗本。西京雜記。朱子文辨正。孔武仲筆記。三劉刊誤。紀年通譜。刻之爲建安本。周壽昌云。劉之固號元起。書前

題云。建安劉元起刊於家塾之敬室。余購得之。今存湘潭袁淑六同年芳。虞家顯千里析劉元起與之間爲兩人。又詆作之間。南監本又作之同。

明南監本。即用建安本者也。但於注文刊落

甚多。汲古閣本注文完足而去其敍例。又於藝文志張良。司馬相如。東方朔。揚雄。賈誼傳後。附臣僚校語六條。卽張佚也。而三劉刊誤及景祐刊誤。皆未之采。國朝文教昌明。圖書大備。乾隆四年。武英殿校刊漢書。用監本精校付梓。別加考證。今補注以汲古本爲主。佚說併入注文。遵用官本校定。詳載文字異同。備錄諸人考證。顏監敍例。宋劉校語。粲然具列。庶覽者無遺憾焉。

監本列宋景文參校諸本。一古本。

顏師古未注以前本。

二唐本。

張唐公家所得唐本。

三江南本。

金坡遺事云。太祖平江南。賜本院書三千卷。皆紙札精好。東原榮氏私記云。江南本。

宣和間尙在御府。

四舍人院本。

江南本在舍人院。亦曰舍人院本。劉之問云。景文所據爲十五家。按其目。實十六。殆因舍人院本卽江南本之藏舍人院者一本二目。故併稱之。

五涪化本。

國朝會要云。涪化五年七月詔。

遷官分校史記前後漢。命陳充。阮思道。尹少連。趙况。趙安仁。孫何校前後漢。畢道內侍裴愈。蕭本就杭州鑄板。

六景德監本。

國朝會要云。咸平中。眞宗命刁衍晃。趙興。丁遜。覆校兩漢書板。週知制誥以陳彭年司其事。景德二年七月。衍等上言。

漢書歷代名賢注釋。至有章句不同。名氏交錯。除無考據外。傳訪羣書。獨觀諸本校定。凡三百四十九卷。篆正三千餘字。錄爲六卷。以進。景祐元年九月。秘書丞余靖上言。國子監所

本。旁據它書。列而辨之。望行刊正。詔送翰林學士張觀等詳定。閱奏。又命國子監直講王洙與靖偕。赴崇文院。鑄對二年九月校書畢。凡增七百四十一字。損二百一十二字。改正一千三百三十九字。今不詳。八我公本。何人。九燕國

本。十曹大家本。十一陽夏公本。十二晏本。十三郭本。十四姚本。十五浙本。十六閩本。又列建安本。參校

諸本。用宋景文本校定。一熙甯本。熙甯七年。參知政事趙鼎奏。新校漢書。五十冊。及陳繙所著。是正文字七卷。二卷子古本。古字。三史館本。舊本。四國子監本。

宣和六年本。五陳和叔本。熙甯中所校。六邵文伯本。用宋景文本校。七謝克念本。用景文本校。八楊伯時本。用謝本校。九李彥中本。

用楊本校。十張集賢本。張璠得唐世本校。十一王性之本。用景德中監本校。十二趙德莊本。用祕閣本校。十三沈公雅本。用祕閣本校。十四王

宣子本。用祕閣本校。景文校本。近儒錢大昕王鳴盛等皆信之。惟全祖望以爲南渡末年。麻沙坊中不學之

徒。依託爲之。非出景文。列有五證。見鮑琦亭集外編第四十六卷。今案宋說淺陋。誠所未免。惟劉之問

輩。曾用以校定。則固嘗有是書。不出南渡末也。國朝諸儒。講求板本之學。致力漢書者。多用南監本。此

外如景祐本。王念孫。閩本。錢大昭校。明按察司按察使周采。提汪本。朱一新校。明德本。宋乾道

父子校。學副使周琬。巡海副使柯喬等刊。汪文盛刊。乾道本。宋乾道中刊。

北監本。

以上二本先議校。

並備搜羅。開有甄采。良由文軌同塗。衆善咸萃。內府精槧。前無以加云。

三劉刊誤。出劉敞與其弟攽。子奉世撰。宋史敞傳云。字原父。臨江新喻人。不言有此書。惟攽傳云。字貢父。遂史學。作東漢刊誤。爲人所稱。司馬光修資治通鑑。專職漢史。奉世傳云。字仲馮。精漢書學而已。其實兩漢皆有三劉評論。今書已亡。賴監本存之。斗南補遺。援引燕雜。說詳王氏十
七史闕補。頗有芟取。未從割棄。蕭該音義。采自監本。雖非瑰寶。亦資印證。明代史評大暢。競逐空疏。國朝碩學雲興。考訂精能。超踰前古。茲編廣羅衆家。去取務慎。沈文起疏證一書。以後事稽合前言。自爲別派。今但取有關書義者。餘屏不錄。

顏監敍例。言曲盡古本。歸其真正。史記正義論例云。史漢文字。相承已久。若悅字作說。閔字作間。智字作知。汝字作女。早字作蚤。緣古字少。通其用之。史漢本有此古字者。乃爲好本。劉之問跋建安本漢書云。自顏氏後。又幾百年。向之古字。日益改易。書肆所刊。祇今之世俗字耳。識者恨之。今得宋景文公所校善本。雖黃所加。字一從古。愚案從古之字。如供爲共。伺爲司。蹤爲縱。藏爲臧。廂爲箱。慰爲尉。屢爲婁。嗜爲耆。屍爲死。讓爲懷之類。或係最初正文。或出聲近通假。非由古字之少。旣展轉借寫。彌久失真。故

東京文字不正流弊斯極。而許氏說文出焉。刊本存真。不宜輒改。若概目爲古字。其蔽也愚。或乃以爲六書假借之指。則去之愈遠矣。

汲古本文字無定。如以字作目。後多作以。桓字作栢。閒亦作桓。及公孫賀等傳贊。淵聖御名。悉仍其舊。或有譌脫乖誤之處。並依前式。加以注正。書雖增新。板如逢故。惟官本劉宋注文。有隔斷顏注者。輒爲移易舊處。俾免違滯。

顏監於雜家傳記。擇取甚嚴。如太公名字。四皓姓氏。雖登史志。並就芟落。可謂慎矣。西京雜記亦在屏除之列。沈文起詆之。引見傳中。愚謂雜記不知撰人。初無妄說。又古事雅語。並資多識。師古棄而不取。而稱引顯相牴牾之楚漢春秋。不悟其僞託。抑又何也。今依沈說。仍采雜記。此外如飛燕外傳之類。概不闌入。

王子功臣外戚恩澤侯表所列。皆受國封。而司馬貞之徒。或云名號。此大謬矣。其不見地志者。皆因免侯併省。亦有侯表相符。而地志不言侯國。則班氏失書也。其有先國而後縣。或一國而前後兩封。取覈表志。原委咸在。疑訟已久。特爲揭明。

班志地理存前古之軌迹。立來史之準繩。兼詳水道源流。使後人水地相資。以求往蹟。可謂功存千古者也。元魏酈道元水經注一書。於漢世水道曲折具存。實爲疏證班志而作。前人引用。不得要領。茲編於酈注諸水。頗末畢備。同郡之水。則云自某縣來。下入某縣。隔郡之水。則云自某郡某縣來。下入某郡某縣。脈絡畢貫。臚載無遺。更取歷代水地諸書。爲之疏通發明。訂正訛謬。讀者因酈證班。卽漢考古。然後遞推諸史。上下數千年地理。可以了然胸中。

律曆天文。顏監無注。國朝錢李諸儒。洞貫劉術。更迭推衍三統。以明天文。圖籍紛陳。管窺積歲。補苴闕漏。藉竟全功。其餘得失之林。開卷卽了。遠俟百世。不煩贅論。

光緒二十六年歲次庚子二月初吉識於長沙城北葵園

引用諸書姓氏

非注本書者不列

蕭該

蘭陵人。隋國子博士。山陰縣公。著漢書音義。引見官本。

張儉

見上。有校說。引見官本。

宋祁

字子京。安州安陸人。宋翰林學士。承旨。謚景文。有校說。引見官本。

劉敞

字原父。臨江新喻人。宋集賢院學士。有刊誤。引見官本。

劉敞

字貢父。敞弟。宋中書舍人。有刊誤。引見官本。

劉奉世

字仲馮。斂子。宋端明殿學士。有刊誤。引見官本。

吳仁傑

字斗南。崑山人。宋清江進士。國子學錄。著兩漢刊誤補遺。

王應麟

字伯厚。河南祥符人。宋瀛祐進士。禮部尚書。著藝文志考證。

前漢補注卷首

張照

字得天，江蘇華亭人，官檢討，刑部尚書，謚文敏。
見官本考證。

勵宗萬

直隸靜海人，官編修，刑部侍郎。
見官本考證。

陳浩

宜甯事府詹事。
見官本考證。

齊召南

字次風，浙江天台人，官檢討，禮部侍郎。
見官本考證。

杭世駿

字大宗，號蕘甫，浙江仁和人，官編修。
見官本考證。

張永祚

官欽天監博士。
見官本考證。

顧炎武

字甯人，一字亭林，江蘇崑山人，諸生。
著日知錄。

閻若璩

字百詩，山西太原人，諸生。
著潛邱劄記。

何焯

字岷瞻，江蘇長洲人，官編修。
著讀書記。